

竹垞文類朱錫鬯著

我

秀水朱文恪公以名德著萬曆中諸子姓彬彬繼起
號能文章四十年來浙西言文獻者必首朱氏文恪
公之曾孫曰彝尊錫鬯最晚出文章之名播海內一
旦出諸父之右予考唐史若韋氏杜氏蘇氏崔氏盧
氏之屬皆累世爲公卿當時史官至爲著宰相世系
迄于宋代則有若邯鄲李氏魏郡王氏壽春呂氏河
南韓氏暨范文正韓忠獻父子兄弟其功名率與國
運相終始蓋唐宋以來其重世臣如是錫鬯少逢喪
亂棄制舉自放于山巔水涯之間獨肆力古學研究
六藝之旨于漢唐諸儒註疏皆務窮其指歸家苦貧

依人遠遊南踰五嶺北出雲朔東泛滄海登之罘所
至叢祠荒冢金石斷缺之文莫不搜剔考證與史傳
參互同異其爲文章益竒嗚呼以文恪公之德錫鬯
之才不得比于唐宋之世臣而老于布衣僅以文章
自見蓋遇不同矣是可感也錫鬯之文紆餘澄澹脫
出風露于辯證尤精詩則捨筏登岸務尋古人不傳
之意于文句之外今之作者未能或之先也始順治
戊戌予在都下見錫鬯嶺外詩嗟異之康熙甲辰錫
鬯過廣陵授予歌詩適予客金陵不及相見丁未始
遇于京師中間聚散者不一迨今丁巳予復入京師

而錫鬯又將有金陵之行回憶予始見錫鬯詩時忽忽已二十年兩人論交且十有四年而錫鬯與予皆非少壯人矣錫鬯過別予以所著竹垞集屬序予因述其所有感于中者而并道予二人離合之情以遺之錫鬯其亦有感于予言也濟南王士禛撰

古今之論博學者不必工于文工文者學不博秀水朱錫鬯幼負異才爲太傅文恪公會年十七自棄舉子業學古文博極羣書旣食貧歷幕府則之豫章之粵之東甌之燕之齊之晉凡山川碑志祠廟墓闕之文無弗觀覽故所作文考據古今人物得失爲最工

而經傳注疏亦多所發明然世之博學者往往其文
不工則何也老子曰當其無有室之用天下之理以
實爲體以虛爲用是故風觸于虛而聲作水激于虛
而瀾生博學者惟思自用其實故窒抑煩懣而無以
運之且夫鵬鵬之神也水不從南溟風不搏扶搖九
萬里則不能自運何者水狹而風卑則其虛也亾幾
何地而何以運爲然且見聞多則私智勝又好以其
偶合穿鑿附會古今之事故其文愈根據而愈畔于
道吾觀錫鬯所論說競競然必稽于古古人所無有
弗道也又必折衷聖賢之理而載籍所未嘗明言者

每引伸觸類互推而得其說人之始視之也若夏雲
之起于空中若城市樓觀臺閣車馬之見于海湄乎
不見其根本旣而求之則皆有以得其確然之故而
援古喻今使言者無罪聞者足戒是蓋所謂能以虛
運其實者非耶三吳顧寧人汪荅文博學窮物理予
最愛其文有根據而錫鬯皆與爲友虛已以下之相
與切劘其學又能出新意自見此其文之日工也夫
寧都魏禧頓首撰

竹垞文類目錄

布衣

秀水

朱彝尊

字錫鬯

卷之一

樂府詩四十首

卷之二

古體詩四十八首

卷之三

古體詩三十一首

卷之四

古體詩一十四首

卷之五

今體詩八十七首

卷之六

今體詩八十二首

卷之七

今體詩七十七首

卷之八

今體詩二十三首

卷之九

今體詩五十四首

卷之十

今體詩四十五首

卷之十一

今體詩六十七首

卷之十二

今體詩七十九首

卷之十三

今體詩一百首

卷之十四

聯句詩八首

集句詩二十七首

卷之十五

序一十三首

卷之十六

序一十六首

卷之十七

序一十四首

卷之十八

記一十三首

卷之十九

記七首

題名七首

卷之二十

書十首

卷之二十一

跋一十九首

卷之二十二

跋一十四首

贊三首

銘十首

卷之二十三

雜文一十一首

卷之二十四

碑五首

墓表六首

卷之二十五

墓誌銘一十一首

卷之二十六

論六首

傳二首

祭文四首

哀辭一首

竹垞文類卷之一

樂府詩四十首



長歌行

短歌行

傷歌行

苦寒行

董逃行

五游篇

猛虎行

悲歌

雞鳴

讀曲歌

華山畿三首

那呵離

烏棲曲

休洗紅

東飛伯勞歌

阿那瓊二首

白紵詞二首

靜夜思

北邙山行

雀飛多

采蓮曲

樹萱篇

捕虎詞

捉人行

馬草行

宋烈女行

少年子

小長干曲

春江花月夜

從軍樂二首

當壚曲

明妃怨二首

芳樹

劉生

長歌行

糾糾葛屨行彼中逵豈無轅馬登高則危

解一姬姜誨

淫吉士悼之赫赫王侯竊鈎笑之

解二

羔羊之革可以

禦冬狐貉雖溫君子固窮

解三

誰謂松柏微霜萎而誰

謂風雨雞鳴已而

解四

芻蕘者謀先民所度志士立言

豈必好爵

解五

陟彼北山俯視崇丘千秋萬歲孰知我

憂

解六

短歌行

飲酒當醉拔劍當歌人生相知樂豈在多

解一

相彼中

林枝葉猗儺嚴霜一至焜黃柰何

解二

飄飄寒風不知

所屆豈曰無衣將子于邁

解三

鳴鹿在囿載食其蒿男

兒墮地惜無錢刀

解四

明星在天雨雪在野我思故人

泣數行下

解五

今夕不飲來日大難今者不樂來朝永

歎

解六

傷歌行

北風其涼雨雪如擣栖栖素冠行彼周道

解一

蟹則有

筐蟬則有綏父喪不莖誰憐我爲

解二

瞻彼桓山有革

其羽載鳴載揚忽失其侶

解三

力行雖疾不如奮飛遠

望雖高不如早歸

解四

凡百君子庶幾心惻翳桑之餓

可以報德

解五

苦寒行

九州皆可歷何爲雲中居聽我歌苦寒泣下沾衣裾

解一寒風利如刀雪花大如席重裘如束水安問絺與

解二綌白日無光晶驚沙但茫茫舍我四方事土室獨

摧藏解三盧昀自言高乃是太古雪漚洩自言深腹堅

不可裂解四斧冰持作糜舖糜糜已冰展轉長宵中晨

夙不得興解五攬衣未及帶手龜血出漉嚴霜割我面

哽咽不得哭解六男兒可憐蟲出門思故鄉寧飲吳市

酒不樂邯鄲倡解七

董逃行

我欲上登崆峒謁見仙人韓終兩驂白鹿雲中輕車